

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona“, broj: 17/00, 1/05, 11/06, 13/11 i 15/17), a u vezi sa Zaključkom broj: 02/1-33-4331/21 od 09.03.2021. godine, povodom razmatranja Inicijative Ministarstva trgovine, turizma i saobraćaja za izmjenu Naredbe Kriznog štaba Ministarstva zdravstva Tuzlanskog kantona i Zaključka Vlade Tuzlanskog kantona broj: 02/1-33-36123/21 od 05.11.2021. godine, Vlada Tuzlanskog kantona na sjednici održanoj dana 11.11.2021. godine, d o n o s i

ZAKLJUČAK
o izmjenama Zaključka broj: 02/1-33-36123/21 od 05.11.2021. godine

I

Vlada Tuzlanskog kantona podržava Inicijativu Ministarstva trgovine, turizma i saobraćaja za izmjenu Naredbe Kriznog štaba Ministarstva zdravstva Tuzlanskog kantona i Zaključka Vlade Tuzlanskog kantona broj: 02/1-33-36123/21 od 05.11.2021. godine, a koja je proizašla sa sastanaka sa delegacijom Asocijacije ugostitelja Tuzlanskog kantona na kojima je dogovoreno da se pokuša iznaći rješenje koje će, uz postojeće federalne mjere, omogućiti ugostiteljima rad, ali i uticati na smanjenje broja oboljelih i poboljšanje epidemiološke situacije.

II

U Zaključku Vlade Tuzlanskog kantona broj: 02/1-33-36123/21 od 05.11.2021. godine, tačke 5. i 6. se mijenjaju i glase:

„5. Ograničava se radno vrijeme do 23.00 h samo za:

- ugostiteljske objekte za pripremanje i prodaju hrane i pića: restorane, pizzerije, slastičarne, ćevabdžinice, nargila barove, caffè i bistro barove, klubove, diskoteke, kazino, sportske kladionice, rad kafića i restorana u sklopu benzinskih pumpi i sl.

Nakon 19.00 sati svi navedeni objekti su dužni obezbijediti da svi gosti u objektu moraju posjedovati jedno od sljedećeg:

- negativan antigenski ili PCR test, ne stariji od 48 sati, izdat od registrovane ustanove ili laboratorije ili
- potvrdu o prebolovanom COVID-19, ne stariju od 6 mjeseci ili
- potvrdu o završenom cijepljenju.

U periodu do 19.00 h objekti su dužni da se pridržavaju odredbi tačaka 1. i 2. Zaključka od 05.11.2021. godine.

Neophodno je da navedeni uslovi ulaska i boravka u objektima, budu istaknuti na vidno mjesto na ulazu u objekat.

6. Objekti iz tačke 5. ovog Zaključka, u skladu sa već postojećim naredbama Kriznog štaba ministarstva zdravstva FBiH, dužni su obezbijediti prisustvo COVID redara, čija dužnost je provođenje svih važećih naredbi i preporuka iz dokumenta „Preporuke za rad ugostiteljskih objekata u kontekstu COVID-19“ koje su sastavni dio svih federalnih naredbi.“

III

Ovaj Zaključak se primjenjuje od 11.11.2021. godine do 19.11.2021. godine.

IV

Zadužuje se Ministarstvo zdravstva da ovaj Zaključak dostavi na uvid i dalje postupanje svim dole navedenim organima i institucijama.

DOSTAVITI:

- 1 x Gradovi/Općine na području TK
- 1 x KUIP TK
- 1 x MUP TK
- 1 x Uprava policije TK
- 1 x JZU/PZU na području TK – sve
- 1 x Svim ministarstvima
- 1 x ZZO TK i ZZJZ TK
- 1 x Sredstvima informisanja
- 1 x a/a

